



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

20 d Thecla Junckfraw in Orient.

**urn:nbn:de:hbz:466:1-41449**

## December

gepeiniget / vnd als er bestendig blib in der bekantnuß /  
in das Fehr geworffen.

Item in der Statt Nicea des heyligen Martirers  
Daris.

Item zu Antisiodoro des heyligen Bischoffs Gre-  
gorij.

Anno Dñi 550. Item zu Aurelia des heyligen Abts Adiuti / wel-  
cher ein Schaffner in dem Menacenser Kloster war /  
verließ aber dasselb Kloster / vnd zoge in die Wüsten /  
aus begird des Einsidlichen lebens / mit dem heyligen  
Münch Karelesso / von welchem am ersten tag Hew-  
monats / daselbst lebet er in grosser strengigkeit vnd  
heyligkeit / auch mit Prophetischem Geist begabet / die-  
net GOTT vil Jar andächtiglich / ward darnach  
Abt zu Carnoto gemacht / weissaget seinen Tod / leuch-  
tet mit vilen Wunderzaichen / erwecket einen gestobnen  
Münch vom tod / starb im feid / vnd ward zu Aurelia  
begraben.

Item selige gedächtnuß des Priesters Petri / Ca-  
nonici Regularis / Probst zu Arolten.

Item selige gedächtnuß Wilhelmi / eines Car-  
theuser Layenbrüders vnd Beichtigers / mit wunderbar-  
licher Tugend vnd gnaden von GOTT gezieret.

Item an disem tag ist Sanct Huberti Leib in ein  
Kruufft erhebt worden.

d xiiij. Calend. Ianuarij.

Der XX. Tag im Christmonat.

Heut

**B**ut ist die Vigili vnd Fastabendt / des heyligen vnd trefflichen Apostels Thome.

Item zu Alexandria der Tag der heyligen Marterer Ammonis / Zenonis / Ptolomei / Ingenui / vnd Theophili / welche bey dem Reichthum stunden / da man einen Christen vnschuldiglich martert. Als aber derselbige vor sich seinen Glauben verlaugnet / vnderstanden die obgemelten Christen ihn mit wincken der Augen des Angesichts / auch mit aufstreckung der hand / vnd allen geberden des Leibs / in seinem Glauben zubeweisigen / vnd wider auffzurichten. Vnd als nun auß diser vrsach alles Volck vber vnd wider sie schrey / traten sie herfür / bekenneten vnd bezeugten öffentlich sich Christen zusein. Durch welcher Victori Christus von stund an / als da Triumphierlich gesiget / welcher den Geist eines beständigen Christlichen Gemüths / den seinen inn der noth kräftigklich mittheilte.

Item inn der Statt Selduba in Tracia / des heyligen Marterers Julij.

Item zu Amphitrea des heyligen Liberati.

Item zu Rom / die begräbnus des H. Bischoffs Sopherini.

Item zu Amphitrea des heyligen Bischoffs vnd Beichtigers Gregorij.

Item selige gedächtnus Heinrici Callar / Priesters vnd Beichtigers / Cartheuser Ordens / so ein Mann grosser heyligkeit gewesen.

Item des H. Philogonij / der auß einem Weltlichen fürsprechen / zu einem würdigen vnd Gottseligen Bischoff erwölet ward / von welchem S. Chrysostomus schreibt.

## December

Item in Mauritania/der H. Belchtiger Eugent/ vnd Nacharij/ welche den Aberinnigen Kayser Julianum frey vnder augen straffeten/vnd darumb auß Kayserlichem befehl in ein grüben/ so voll Schlangen vnd wilder Thier war/ gestossen seind/ vnd von dannen erlediget/ vil Menschen zu wahrem Glauben mit ihrem H. Leben vnd größten Wunderzaichen beköhreten.

Anno Dñi  
1074.

Item zu Magara in Hispanien im Silenser Kloster/ des H. Abts Dominici/ mit grossen Wunderzaichen vnd heyligen Thaten/ reichlich gezieret.

e xij. Calend. Ianuarij.

## Der XXI. Tag im Christmonat.

**G**ut ist der Geburtstag des hochheyligen fürtrefflichen Apostels Thome/ welcher an Christi vrsand zweyfelt/ vnd hart daran glauben kundi/ bis das Christus ihn mit seiner persönlichen gegenwertigkeit/ zum wahren Glauben beköhret. Nach der Himmelfart Christi aber/ hat er den Parthern/ Medern/ Persern/ Brachmanern/ Hircanern vnd Bactern/ vnd letztlich den Indianern das Euangelium gepredigt/ vnd das gepredigte Wort/ mit Gottseligem Apostolischem wandel/ vnd herrlichen Wunderzaichen/ zu vilerley Menschen nutz vnd hail/ beuestiget. Er ist endtlich von dem Abgöttischen König zu Calamina gemartert vnd erstochen worden. S. Chrysostomus schreibet/ er hab auch die König oder Weysen/ die Christum in der jugent geehret vñ angebetet/ in ihrem Land besücht/ getaufft/ vnd zu rechten Arbeitern des Göttlichen Weingartens gemacht. Sein leib ist hernach in die Statt Edissa gefürt worden.

Item